

Área de
CONTRATACIÓN e
NOVOS PROXECTOS

ÁREA DE GOBERNO DE
SEGURIDADE,
CONTRATACIÓN, FESTAS E
XESTIÓN MUNICIPAL

CONCELLO
DE VIGO



A Mesa de Contratación do Concello de Vigo, na súa sesión de 4 de xuño de 2024, realizou entre outras, as seguintes actuacións:

11.- Propostas de adxudicación

a) Procedemento aberto para a contratación do subministro, instalación e configuración da electrónica de rede municipal incluíndo sistemas de comunicacións do cpd municipal, electrónica de rede de planta así como a electrónica de rede das sedes remotas (10202-113)

LEXISLACIÓN APLICABLE

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto lexislativo 3/2011
- Prego de cláusulas administrativas particulares que rexe o procedemento aberto para a contratación do subministro, instalación e configuración da electrónica de rede municipal incluíndo sistemas de comunicacións do cpd municipal, electrónica de rede de planta así como a electrónica de rede das sedes remotas (10202-113)

ANTECEDENTES

Primeiro.- Con data do 19 de xaneiro de 2024 a Xunta de Goberno local, acordou:

"PRIMEIRO.- Aprobar o expediente de contratación por procedemento aberto e ordinario coa finalidade de realizar a contratación do subministro de conmutadores para a rede de datos municipal, no que constan:

- Informe xustificativo da necesidade e idoneidade asinado polo Técnico Responsable de Seguridade Informática e o Xefe de servizo de Administración Electrónica de data 02/10/2023 e co conforme da Concelleira da Área de Seguridade, Contratación, Festas e Xestión Municipal da mesma data.

- Documento económico sobre a existencia de crédito de data 21/11/2023 asinado pola Dirección Superior Contable e Orzamentaria.

- Memoria económica do contrato de data 22/11/2023, asinada polo Técnico Responsable de Seguridade Informática e o Xefe do servizo de Administración Electrónica co conforme da Concelleira da Área de Seguridade, Contratación, Festas e Xestión Municipal da mesma data.

- Prego de prescricións técnicas particulares (PPTP) e Anexo 1 de data 18/12/2022 asinado polo Técnico Responsable de Seguridade Informática e polo Xefe do servizo de Administración Electrónica.

- Memoria xustificativa do contrato de data 18/12/2023, asinada polo Técnico Responsable de Seguridade Informática e polo Xefe do servizo de Administración



Electrónica co conforme da Concelleira da Área de Seguridade, Contratación, Festas e Xestión Municipal e do Concelleiro da Área de Orzamentos e Facenda da mesma data.

- Informe da Técnica de Administración Xeral do Servizo de Contratación de data 19/12/2023, sobre a comprobación da incorporación ao expediente da documentación necesaria para a tramitación do contrato co conforme da Xefa da Área de Contratación e Novos Proxectos da mesma data.

- Prego de cláusulas administrativas particulares para a contratación do subministro polo procedemento aberto, asinado pola Xefa da Área de Contratación e Novos Proxectos en data 03/01/2024.

SEGUNDO.- Autorizar o gasto de 490.000,00 €, que inclúe un I.V.E. de 85.041,32 €, dende o 1 de abril de 2024, segundo o seguinte detalle de partidas e exercicios:

exercicio	concepto	Partida/Proxecto	Base	IVE	Total
2024	MEDIOS INFORMÁTICOS E SWITCHES	9207.6260000/ 23920700 (Adquisición de medios informáticos)	202,479.34 €	42.520,66 €	245,000.00 €
2025	MEDIOS INFORMÁTICOS E SWITCHES	9207.6260000/ 23920700 (Adquisición de medios informáticos)	202,479.34 €	42.520,66 €	245,000.00 €

TERCEIRO.- Abrir o procedemento de licitación na forma legalmente prevista."

Segundo.- A concelleira da Área de Goberno de Seguridade, Contratación, Festas e Xestión Municipal, por delegación da Xunta de Goberno local (acordo do 22 de xuño de 2023), o 13 de maio de 2024 adoptou a seguinte resolución:

"Primeiro.- Tomar razón das exclusións acordadas pola Mesa de Contratación do Concello de Vigo, na sesión do 25 de abril de 2024, dos licitadores que deseguido se relacionan por non acadar o limiar mínimo de puntuación esixido no apartado 7.A.1 do Anexo I -FEC- do PCAP:

1. ASAC COMUNICACIONES, S.L.
2. GLOBAL DOMINION ACCESS, S.A.

Segundo.- Aceptar a proposta formulada pola Mesa de Contratación na presente sesión, de data 13 de maio de 2024, de xustificación da baixa con valores anormais ou desproporcionados presentada por SERVICIOS AVANZADOS DE TECNOLOGÍA, S.A. (SATEC) neste procedemento.

Terceiro.- Clasificar, de acordo cos criterios de adjudicación sinalados no prego, as proposicións admitidas neste procedemento aberto para a contratación do subministro, instalación e configuración da electrónica de rede municipal incluíndo sistemas de comunicacións do cpd municipal, electrónica de rede de planta así como a electrónica de rede das sedes remotas (10202-113) na seguinte orde descendente:

	LICITADOR	PUNTOS TOTAIS
1	EDNON, S.L.	88.15
2	SERVICIOS AVANZADOS DE TECNOLOGÍA, S.A. (SATEC)	85.00



Copia do documento - Concello de Vigo	Data impresión: 06/06/2024 10:57	Páxina 2 de 5
10202-113	CSV: A2A94A-87DEAH-C9A73A-8JNB8N-VZZJS2-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Área de
CONTRATACIÓN e
NOVOS PROXECTOS

ÁREA DE GOBERNO DE
SEGURIDADE,
CONTRATACIÓN, FESTAS E
XESTIÓN MUNICIPAL

CONCELLO
DE VIGO



3	TELFÓNICA SOLUCIONES DE INFORMÁTICA Y COMUNICACIONES DE ESPAÑA S.A.U.	32.00
---	---	-------

Cuarto.- Requirir ao licitador clasificado en primeiro lugar, EDNON, S.L., para que presente, no prazo de dez días hábiles, a seguinte documentación (artigo 150.2 LCSP):

1. Declaración responsable de non estar incurso en prohibición de contratar.
2. A documentación esixida nas cláusulas 8 e 22 do prego de cláusulas administrativas particulares (PCAP). Lémbrese que deberán acreditar a adscripción dos medios persoais esixidos no apartado 5E do Anexo I -FEC- do PCAP.
3. Resgardo da garantía definitiva esixible de acordo co disposto na cláusula 24 do prego de cláusulas administrativas particulares.

Recordar que tal e como establece a cláusula 8.9 do PCAP, os licitadores que estivesen inscritos no Rexistro Xeral de Contratistas da Comunidade Autónoma de Galicia ou no Rexistro Oficial de Licitadores e Empresas Clasificadas do Sector Público, están exentos de presentar a documentación acreditativa dos datos que obren neles sempre que se atope vixente. Neste caso, deberá presentar, asemade, a correspondente declaración de vixencia dos datos reflectidos no mesmo."

Terceiro.- Esta resolución foi notificada ao licitador clasificado en primeiro lugar, EDNON, S.L., o día 13 de maio de 2024, que presenta a documentación requirida os días 22 e 24 de maio de 2024, dentro do prazo concedido.

Esta documentación consta de:

- Os certificados de inscrición do licitador no Rexistro Oficial de Licitadores e Empresas Clasificadas do Sector Público e no Rexistro Xeral de Contratistas da Comunidade Autónoma de Galicia nos que figura a constitución da licitadora, o apoderamento do seu representante, a declaración de non estar incurso en prohibición de contratar e os certificados positivos de débedas da Seguridade Social, AEAT e ATRIGA.
- Declaración de vixencia dos datos que figuran no no Rexistro Oficial de Licitadores e Empresas Clasificadas do Sector Público e no Rexistro Xeral de Contratistas da Comunidade Autónoma de Galicia.
- Anexo IV do PCAP, asinado dixitalmente polo seu representante.
- Anexo V do PCAP, asinado dixitalmente polo seu representante.
- Para a acreditación da solvencia económica e financeira (283.471,08 €), presentan as contas do ano 2021 nas que o importe neto da cifra de negocios supera a cantidade indicada.
- Para a acreditación da solvencia técnica e profesional (343.000,00 € e certificación NIVEL MEDIO do ENS), presentan certificados de boa execución nos que a suma dos importes do ano 2023 supera a cantidade indicada e a documentación acreditativa de estar en posesión da Certificación de Nivel Alto do



Copia do documento - Concello de Vigo	Data impresión: 06/06/2024 10:57	Páxina 3 de 5
10202-113	CSV: A2A94A-87DEAH-C9A73A-8JNB8N-VZZJS2-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

ENS segundo o sinalado no artigo 2.3 do ENS (Real decreto 311/2022, do 3 de maio, polo que se regula o Esquema Nacional de Seguridade) e na Instrución Técnica de Seguridade.

- Acreditación dos medios persoais a adscribir á execución do contrato esixidos no apartado 5E do Anexo I -FEC-.
- Seguro de caución por un importe de 20.247,93 € que cobre a garantía definitiva requirida, figurando no expediente o correspondente documento da Tesourería do Concello de Vigo.

Ademais desta documentación, figuran no expediente, o certificado positivo de débedas do Concello de Vigo.

Cuarto.- A Mesa de Contratación na presente sesión do 4 de xuño de 2024 comproba a documentación presentada pola licitadora e detallada pola secretaria e, sendo esta correcta, acorda, por unanimidade dos/as membros presentes, propoñer ao órgano de contratación a adxudicación deste procedemento.

FUNDAMENTOS XURÍDICOS

Primeiro.- A nosa lexislación contractual impón ao órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase aos licitadores e, simultaneamente, publicarase no perfil de contratante no prazo de quince días (artigo 151.1 LCSP).

Recibida tanto a documentación presentada polo licitador clasificado en primeiro lugar EDNON, S.L., como a solicitada de oficio pola Administración municipal e, comprobado que esta é correcta, procede adxudicar este contrato.

Segundo.- A competencia para formular a proposta de adxudicación ao órgano de contratación correspóndelle á Mesa de Contratación. A proposta realizarase a favor do licitador que teña presentado a mellor oferta, de conformidade coo disposto no artigo 145, segundo proceda de conformidade co prego de cláusulas administrativas particulares que rexa a licitación.

A oferta máis vantaxosa para a administración contratante é a formulada por EDNON, S.L., de acordo cos informes de valoración das proposicións avaliábeis mediante xuízo de valor e das proposicións avaliábeis mediante fórmula, de datas 16 de abril e 8 de maio de 2024, respectivamente.

Terceiro.- A competencia para a resolución deste expediente correspóndelle á Xunta de Goberno local (apartado 4 da disposición adicional segunda da LCSP), na súa calidade de órgano de contratación.

En base ao que antecede, propónse á Xunta de Goberno local como órgano de



Copia do documento - Concello de Vigo	Data impresión: 06/06/2024 10:57	Páxina 4 de 5
10202-113	CSV: A2A94A-87DEAH-C9A73A-8JNB8N-VZZJS2-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Área de
CONTRATACIÓN e
NOVOS PROXECTOS

ÁREA DE GOBERNO DE
SEGURIDADE,
CONTRATACIÓN, FESTAS E
XESTIÓN MUNICIPAL

CONCELLO
DE VIGO



contratación, en uso das facultades que lle confire a lexislación vixente, a adopción do seguinte acordo:

"Primeiro.- Tomar razón das exclusións acordadas pola Mesa de Contratación do Concello de Vigo, na sesión do 25 de abril de 2024, de ASAC COMUNICACIONES, S.L. e GLOBAL DOMINION ACCESS, S.A. por non acadar o limiar mínimo de puntuación esixido no apartado 7.A.1 do Anexo I -FEC- do PCAP:

Segundo.- Adxudicar a EDNON, S.L. o procedemento aberto para a contratación do subministro, instalación e configuración da electrónica de rede municipal incluíndo sistemas de comunicacións do cpd municipal, electrónica de rede de planta así como a electrónica de rede das sedes remotas (10202-113) coas seguintes condicións:

- O prezo total do contrato é de 490.000,00 euros, sendo a cota correspondente ao IVE de 85.041,32 euros.
- A porcentaxe de desconto a aplicar ao prezo unitario dos equipos electrónica de rede de core ou nodo central é do 1,00 %.
- A porcentaxe de desconto a aplicar ao prezo unitario dos equipos electrónica de rede de CPD é do 1,00 %.
- A porcentaxe de desconto a aplicar ao prezo unitario dos equipos electrónica de rede de enrutamento OSPF é do 0,50 %.
- A porcentaxe de desconto a aplicar ao prezo unitario dos equipos electrónica de acceso de 48 portos POE é do 19,45%.
- A porcentaxe de desconto a aplicar ao prezo unitario dos equipos electrónica de acceso de 24 portos POE é do 7,13%.

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada".

A secretaria da Mesa de Contratación
(sinatura dixital)



Copia do documento - Concello de Vigo	Data impresión: 06/06/2024 10:57	Páxina 5 de 5
10202-113	CSV: A2A94A-87DEAH-C9A73A-8JNB8N-VZZJS2-FD	

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>